

Max Matt

S'Trollefäll

Es Theater vom

Stefan Koch-Spinnler

Mundartbearbeitig

Mónica Verena Keusch

*Jede Leseprobe
sowie Vervielfältigung
untersteht
Rechte bei
zappa-verlag.ch
info@zappa-verlag.ch*

Die Rechte für dieses Theaterstück hat der zappa-verlag.ch übernommen.

Wir sind bemüht, Schulen und anderen Kinder- und Jugendtheatergruppen unsere Stücke zu minimalen Beiträgen zugänglich zu machen. Wir bitten im Sinne der Fairness, die untenstehenden Regeln einzuhalten

1. Der Zappa-Verlag erteilt die Rechte für eine einzelne Aufführungsserie. Als Aufführungsserie gelten bis zu max. 8 Aufführungen der gleichen Gruppe und Inszenierung in einem Zeitraum von max. 3 Wochen. Jede neue Inszenierung, resp. jede neue Gruppe wird erneut abgerechnet.
2. Das PDF Dokument darf für den internen Gebrauch der entsprechenden Theatergruppe kopiert werden und im Sinne eines Textheftes den einzelnen Schauspielerinnen und Schauspielern abgegeben werden. Jede weitere Verbreitung ist untersagt.
3. Die Kosten stellen sich wie folgt zusammen:
 - Grundgebühr: Für Stücke ohne Musik: 100 Franken,
ausserhalb der Schweiz: 100 Euro
 - Für Stücke mit Musik: 150 Franken,
ausserhalb der Schweiz 150 Euro
 - 10 Prozent der Roheinnahmen, sprich sämtlicher Eintritte oder Kollekten.
4. Die Abrechnung ist bis spätestens 3 Wochen nach der Darniere dem zappa-verlag.ch zur Rechnungsstellung einzureichen.

zappa-verlag.ch
Inh. Stefan Koch-Spinnler
Hinterdorfweg 1
6042 Dietwil

info@zappa-verlag.ch

Inhaltsverzeichnis

1. Szene: Ausgelacht	4
2. Szene: Max	4
3. Szene: Gina	4
4. Szene: Gina spricht mit Max	5
5. Szene: Gina wird gehänselt, weil sie mit Max spielt.....	6
6. Szene: Mobbing gegen Max und Gina	7
7. Szene: Die Phantasieweltrakete	7
8. Szene: Die Verfolgungsjagd und Flucht.....	8
2. Akt	9
1. Szene: Gina und Max treffen auf Munu Troll.....	9
2. Szene: Die Sache mit der Angst.	9
3. Szene: Die Rettung	11
4. Szene: Die List der Graubeisser	11
6. Szene: Wiedersehen mit Munu	13
7. Szene: Die Kraft der Vorstellung.....	13
8. Szene: Die Befreiung Phantos	16
9. Szene: Heimweh.....	17
10. Szene: Eine Lösung zeichnet sich ab. Freiheit	17
11. Szene: Das Geschenk Munus.....	18
3. Akt	19
1. Szene: Max und Gina zu Hause	19
2. Szene: Neue Mobbingversuche.....	19
3. Szene: Die Träume	20
4. Szene: Geschichten von Max und Gina	20

Jede Probe
sowie die Ausführung
unter Versagt.
Rechte bei
zappa-verlag.ch
info@zappa-verlag.ch

1. Akt

1. Szene: Ausgelacht

Ort:	Im Freien
Personen:	Max Matt, alle Kinder

Kinder sind am Spielen. (Skate - Scooter, Rollerblades, Skateboard, Ballspiel, Fresbee und hören dazu Musik mit Ipot) Max Matt kommt hinzu.

Dodo Hallo Mäxli! So hesch scho wieder ä so es komisch´s Gheimnis?
Jori Wo eh nid stimmt!!
Geri Haaaa! Vilicht isch äs hüt es Superauto mit dem uf de Mond flüügsch.
Mara Hu HUUUUUUU. Hu HUUUUUUU! Oder er hed en Geischt gseh!

Umkreisen ihn lärmend. Max dreht sich um und geht wortlos weg. Er sitzt auf einen Stein beim Gartenhaus.

Geri Jetzt got er.
Pascal He Maxilein! Mir möchtet so gärn dyni noischi Erfindig gseh!
Mara Was isch es ächt?
Jori Es „Mäxilein - Wumm – Pumm – Chischtli? Ha ha ha haha!“
Dodo Mäxchen - Hexchen! Mäxchen – Hexchen! Hi –hi - hiiiiiiiiiii - hi – hi -
 hiiiiiiiiiii!
 Mit emene Mäxilein – Wumm – Pumm – Chischtli!
Alle im Chor Mäxli – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!
durcheinander Mäxli – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!
 i – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!

Alle lachen durcheinander und wenden sich wieder ihrem Spiel zu (Skate - Scooter, Rollerblades, Skateboard, Ballspiel, Fresbee und hören dazu Musik mit Ipot)

2. Szene: Max

Ort:	Auf der Nebenbühne auf einem grossen Stein vor dem Gartenhaus
Personen:	Max Matt

Max Matt: Ich verrote dene mis Gheimnis sicher nid. Au wenn sie mi uslached und föppled. Es Gheimnis, isch gar keis Gheimnis meh, wenn mes verotet. Aber das verstönd die natürlü nid. Myni Gheimnis ghöred nume mir und die erfind ich ganz älei. Erfinde tuen ich's i mine Traum, und dänn isch es plötzlich wohr. Aber das werdet die nie tschegge.

3. Szene: Gina

Ort:	Im Freien
Personen:	Alle Kinder, Gina Glanz, Max auf dem Stein

Gina Glanz ist neu ins Dorf gekommen. Sie gesellt sich zu den Kindern.

Jori Hallo Gina!
 Gina Glanz Was isch denn das?
 Geri En lpot. Kennsch du das?
 Gina Glanz Logo, lueg ich ha au eine. Wieviel chasch du lade?
 Mara Döf i emol lose? ----Cooli Muusig!
 Gina Glanz Ja, de Bachi gfallt mer würlki guet.
 Jori He und de DJ-Bobo?

Ginas Blick auf Max.

Gina: Wer ist denn das?
 Jori Känsch de DJ-Bobo nid?
 Gina Dänk scho. Aber ich meine de Bueb det bim Stei.
 Dodo Das? Das isch üses Mäxli.
 Geri Use Düftler und Erfinder.
 Mara Use Gheimnishüeter, Mäxlein Hexlein.
 Jori Syni noishti Erfindig isch sys Mäxilein - Wumm – Pumm – Chischtli
 Alle im Chor Mäxli – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!
 durcheinander Mäxli – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!
 i – Häxli! Hi –hi – hiiiiiiiiiiiiiii! Mäxli – Häxli - hi – hi - hi - hiiiiiiiiiiiiiiiiiii!
 Mit emene Mäxilein – Wumm – Pumm – Chischtli!
 Gina Ihr sind gemein.
 Mara Gemein? De spinnt doch. Faselt so komischi Erfindige und verzellt er heig Gheimis, wo ner niemerem cha verzelle.
 Gina Vielleicht stimmts jo?
 Dodo Got's no!
 Geri He, döf ich das Teil emol?

Alle spielen weiter mit ihrem Spiel und gehen dann mit der Zeit von der Bühne. Gina steht da und schaut Max verwundert an, der immer noch auf seinem Stein sitzt.

4. Szene: Gina spricht mit Max

Ort:	Beim Stein von Max
Personen:	Gina und Max

Max Gaff doch nid so blöd.
 Gina Ich gaffe gar nid ich lueg dich nume a.
 Max Hör mer doch uf. Du bisch jo sowieso keis Mü besser als all die andere.
 Gina Das stimmt gar nid.
 Max Und ob. Ihr sind doch alli glich. Lach my doch nume us!
 Gina Nei! Ich will nid!
 Max Wieso nid?

Gina streckt ihm die Hand entgegen.

Gina Ich heisse Gina. Und Du?

Max schaut auf seine Füsse und sagt kein Wort

Gina Wie heissisch du? Max?

Max Ja, Max. Max Matt.
Gina Wetsch emol de DJ-Bobo lose bi mim Ipot.

Zusammen hören sie die Musik und bewegen sich etwas im Rhythmus

Max Wieso gosch du nid zu de andere?
Gina Will ich jetzt mit dir spiele will.
Max: Ich hole de Fresbee?
Gina: Lässig.

Max holt den Fresbee aus der grossen Kiste im Gartenhaus.

5. Szene: Gina wird gehänselt, weil sie mit Max spielt

Ort:	Im Freien
Personen:	Max, Gina, Alle Kinder

Max und Gina spielen Fresbee. Sie merken kaum, wie sich die andern Kinder wieder auf den Platz kommen.

Max Super!
Gina Ou! De isch z'höch!
Max Ups!
Gina Cool!
Max Ou, fascht!
Jori Oh oh! De Max und Gina.
Geri Die sind ja verliebt!
Gina Ihr sind jo doof!
Dodo Worum spielsch denn mit em Mäxlein - Hexlein?
Mara Mäxlein - Hexlein verliebt mit Gienchen - Bienchen!
Alle Mäxlein - Hexlein verliebt mit Gienchen - Bienchen!
Mäxlein - Hexlein verliebt mit Gienchen - Bienchen!
Ha, ha, ha, ha, ha, hi, hi, hi, hi, ho ,ho, ho, ho!
Dodo Die glaubt em Mäxli sicher alle sini Spinneridee!
Gina Höred uf! De Max cha doch min Fründ si. Das hed nüd mit verliebt und spinne ztue.
Dodo Hesch scho es Hochzitschleid?
Gina So blöd wie Du bisch, gits kei zwoite!
Alle Mäxlein - Hexlein verliebt mit Gienchen - Bienchen!
Mäxlein - Hexlein verleibt mit Gienchen - Bienchen!
Ha, ha, ha, ha, ha, hi, hi, hi, hi, ho ,ho, ho, ho!

Die Kinder werfen sich auf den Boden und halten sich die Bäuche vor lachen.

Gina No eis Wort und ich...
Max Das isch mir zblöd. Gina, chumm mir gönd.
Gina Das döfed die nid säge!!!
Max Ich weiss, Du bisch ebe no nie usgelacht worde. Chumm jetz! S'wird susch nur no schlimmer.
Gina Max, das isch gemein, was die mached!
Max Ja... jetz chumm scho, bevors z'spot isch.

6. Szene: Mobbing gegen Max und Gina

Ort:	Im Freien
Personen:	Max, Gina, die Kinder

Die Kinder bilden eine Wand und bedrohen Max und Gina die eben auf die Bühne kommen.. Dodo stellt sich den beiden extrem in den Weg.

Jori Hallooooo! Mäxilein – Hexilein! Wie got's dim Mäxli – Wumm – Pumm – Chischtli?

Max Du weisch genau, dass es keis Wumm – Pumm – Chischtli git.

Mara Oh schad, det drin wärs doch sicher no gmüetlich gsy!

Gina Ihr sind so gemein. Nur will de Max und ich Fründe sind, dörfed ihr nid so fies si.

Mara Gibs doch zue, dass in Mäxli verliebt bisch Gienchen - Bienchen.

Gina Nei, bin ich nid. Und wenn scho, was wäri däbi?

Ger Jetzt hesches grad zuegä!

Dodo Eidütig! Ganz klar!

Gina Got's no!

Ger Okay, chumm mir gönd's de andere go verzelle, dass s'Gienchen - Bienchen jetz au dureknallt isch.

Max Ihr sind so gemein.

Mara Nei, ihr sind Bireweich.

Max Jetzt langets! Lönd üs jetz in Rue!

Mara Pass uf was'd seisch, Mäxilein. Susch schlo der eis i Bire.

Dodo Cool!

Alle stellen sich im Kreis um die beiden herum und bedrohen sie.

Gina Lönd üs jetz äntli in Rue

Dodo Oh, chunsch Schiss über?

Max Heb de Latz!

Mara Pass uf was'd seisch Bürschtl!

In diesem Moment nimmt Max Gina bei der Hand und sie rennen aus dem Kreis heraus und verschwinden im Gartenhaus.

Jori Oh! Jetzt hends aber en gwaltige Gagg i de Hose.

Ger Die sött me emol so richtig verhaue.

Alle rennen ins Gartenhaus

7. Szene: Die Phantasieweltrakete

Ort:	Im Gartenhaus mit der Phantasieweltrakete
Personen:	Max und Gina

Max Lueg do isch sie.

Gina Was? Mit dere Phantasiewältrakete chame wägflüüge?

Max Ja, ich has erfunde. Du wirsch gseh es funktioniert. Chumm schnell

Gina Bisch du ganz sicher?

Max Absolut.

Gina Worum?

Max Los, sitz ine.

Gina Max, ich ha Angscht!

Max Duck dich Gina! Es good los.

Es entsteht viel Rauch und sie fliegen mit dem Phantasieweltkatapultierer weg. Die Kinder rennen herbei und sehen den Rauch im Gartenhaus.

8. Szene: Die Verfolgungsjagd und Flucht

Ort:	Beim Gartenhaus im Freien.
Personen:	die Kinder

Gina und Max fliegen über den Köpfen der Kinder weg (Schwarzlichttheater) Die Kinder bemerken sie aber nicht und suchen sie überall auf der Bühne und im Gartenhaus.

Mara Halt! Wo sind sie?
Dodo Da. Sie müend irgendwo do sy.
Geri De Rauch! Komisch?!
Mara Die müend doch do sy.
Jori Super! Eifach weg.
Geri Irgend öppis stimmt do nid!
Mara Fang du jetz bloss au no a.
Geri Mischt!
Mara Mensch! Vergiss es!

*Jede Verweigerung
sowie Aufführung
untersagt.
Rechte bei
zappa-verlag.ch
info@zappa-verlag.ch*

2. Akt

1. Szene: Gina und Max treffen auf Munu Troll

Ort:	in Phantos Reich
Personen:	Max Matt, Gina Glanz,

Der Rauch verzieht sich. Max und Gina schauen aus dem Phantasieweltkatapultierer

Gina Max, lebsch Du?
Max Ja, und du?
Gina Ich glaub scho... Wo simmer?
Max Kei Ahnig, Gina. Stiged mer us?
Gina Meinsch? Isch das nid gföhrlich?
Max Es gsed scho chly komisch us do? Aber ich glaub das isch en guete Ort.
Chumm!

Max steigt aus, Gina bleibt noch in der Maschine. Nichts passiert. Gina klettert auch aus der Maschine. Langsam gehen sie herum und erkunden neugierig aber ängstlich die neue Umgebung.

2. Szene: Die Sache mit der Angst.

Ort:	in Phantos Reich
Personen:	Max, Gina, Munu Troll, 7 Graubeisser

Max Do isch alles so blau, so andersch als by üs!
Gina Ich ha chli Angscht- komisch.
Max Ich au, aber ich weiss nid vor was i mi fürchte.
Gina Mir fällt au nüt i zum Fürchte – usser...
Max ...usser üse Fantasieweltkatapultierer würd verschwinde und mir...

In diesem Moment gibt es wieder Lärm und Rauch und der Fantasieweltkatapultierer verschwindet.

Max Ou nei!
Gina Und jetz?
Gina Jetz simmer emol do...
Max ... und gönd emol go luege wies do usgseht. Mir tüend üs jetzt eifach emol nid fürchte und hend Spass a dere noie komische Welt.
Gina Also das mit em nid - fürchte find i ganz toll. Ich ha jezt vor gar nüt me Angscht nid emol vor emene zottlige Troll mit emene **riese**-grosse wisse Gesicht...

Während Gina spricht huscht Munu Troll vorbei, Max sieht ihn.

Max ...Gina!
Gina Was isch denn?
Max Gina da isch öpper!
Gina Wo?
Max Do!

Beide sehen wie sich jemand hinter einem Baum versteckt!

Gina Max - so han ich das eigentli nid gemeint... ich
Munu Nid fürchte, ich tue oi nüt, bitte nur nid Angscht ha.
Gina Max, de hed meh Angscht vor üs, als mir vor ihm.

Munu Troll kommt vorsichtig aus seinem Versteck. Er hat ein grosses weisses Gesicht und eine grüne grässliche Schnudernase.

Munu Ich heiss Munu und bin en Troll. Hallo zäme.
Gina Hallo, ich bi Gina und das isch myn Fründ, de Max.
Munu Ja, ja ...Aber passed uf, es isch sehr gföhgrlich do.
Max Wieso?
(*leise zu den Kindern*) ich wird verfolgt.
Gina Du wirsch verfolgt?
Munu Ja! Ihr sind im Rich vom König Phantos. Leider isch er in Gfangeschaft. De bös Gnom Mantu hed ihn gfange gno.. D´Graubisser sind sini Chrieger. Sie fange dalli wo Angscht hend. Nur wer kei Angscht hed isch sicher vor ihne. D´Angscht hed en ganz en bsundrige Gruch. De schmöcked Graubisser über witi Streckene. Zwüsched de Zäh bringed si denn die Angschthase zum Mantu i Gfangeschaft.
Max Und denn werded sie ...
Munu Nei, tötet werdet sie nid, aber sie müend für de bös und grässlich Mantu schaffe, bis sie umgheie, vor Müedigkeit
Gina Und wer kei Angscht hed, wird nid gfange?
Munu Nei, dem chönd sie nüt mache, aber sie hend ihri Trickli, wie sie jedem chönd Angscht mache.
Max Gina, ich schaff's nümme!
Gina Max, du bisch jo ganz bleich.
Munu Ou nei, du hesch jo Angscht, ich ha dir zviel verzellt, hör uf Angscht z'ha, susch chömed's und holed dich.
Gina Max! Hör uf z'verzelle, Munu Troll!
Max Ich ha mir die Graubisser z'fescht vorgstellt, drumm han i Angscht übercho.
Gina Max, Max!
Munu Es isch z'spot, ich ghör si scho.

Die Schwarzen Wände hinten gehen auf und aus dem dunkeln Mantus – Reich tauchen die grellfarbigen Graubeisser auf.(= Flackerlicht) Alle haben Angst.

Graubeisser 1 Oho, ich schmöcke ganz fürchterliche Angscht.
Graubeisser 2 Do muess en bsunders grosse Schisshas si!
Graubeisser 4 Lueg do, en Bueb, wunderbar!
Graubeisser 6 Hesch Schiss?
Graubeisser 3 Do wird sich de Mantu froie!
Graubeisser 4 Ja, packed mer en!
Graubeisser 5 Ja, bised mer en...
Graubeisser 6 Bised mer de Schisser, bised mer de Schisser
Graubeisser 7 He da schlottered jo nomol öpper!
Graubeisser 2 Wer schisst den do au no vor Angscht i d'Hose?
Gina: Lönd en bitte, lönd en bitte.
Graubeisser 1 Die hed jo au Schiss!
Graubeisser 6 Do heds jo ganz viel Hoseschisserli!
Graubeisser 3 Wunderbar!

Graubeisser 4 Los, pack sie!
 Graubeisser 5 Meitli hed de Mantu no lieber!
 Max Lönd sie, bitte!
 Graubeisser 7 Ihr Hoseschisserli !
 Graubeisser 6 Mir nemed euch beidi mit!
 Graubeisser 4 Alli wo Schiss hend.
 Graubeisser 1 Halt, do stinkts ganz bsunders nach Angscht!

Er geht auf Munu Troll zu, der verängstigt in einer Ecke steht.

3. Szene: Die Rettung

Ort:	in Phantos Reich
Personen:	Max, Gina, Munu Troll, 7 Graubeisser

Graubeisser 2 Munu Troll! Lueg au do üse grössti Find schlottered vor Angscht!
 Graubeisser 6 Ja, wunderbar, jetzt hemmer di entli!
 Graubeisser 4 Schlottre nur schön witer, ich pack di grad!

Graubeisser 1 packt ihn mit den Zähnen.

Graubeisser 1 Uaaahhhh!
 Munu Troll Vor dir fürcht ich mi nid, du Mischtbisser!
 Graubeisser 1 Wie seisch du mir? Hend ihr das ghört?
 Munu Troll: Mischtbisser! Hoseschisser! Nie im Läbe fürcht ich mich vor dir!
 Graubeisser 2 So ggesch us!
 Graubeisser 3 Uaaaah! Es stinkt so schön nach Angscht!
 Graubeisser 4 So hesch en Gag i de Hose, du Schisserli.
 Munu Troll Ich Sorge mich nur um d' Chind, wo ihr mitnäh wend, ich ha nume Angscht um sie.
 Graubeisser 5 Packed en! Los! Alli uf de Munu. Helfted alli mit!
 Graubeisser 7 Hoseschisser!
 Max Munu, ich ha kei Angscht meh! Munu, zeigs ihne mir sind frei!
 Munu Z'spot, gege drü chumm i a, aber gege 7 schaff i's nid.
 Gina Munu, pack sie!

Munu ist wie hypnotisiert, während er von den Graubeisser weggeführt wird

Max und Gina MUNUUUUUUU!!! MUNUUUUUUUUU!!

Die Graubeisser verschwinden mit Munu hinter den Wänden, die hinter ihnen zugehen.

4. Szene: Die List der Graubeisser

Ort:	in Phantos Reich
Personen:	Max, Gina

Gina Und jetz?
 Max Mir müend en befreie.
 Gina Ja klar, aber wie?
 Max Ja, das isch genau s'Problem.
 Gina Chumm, mir schlofed echly.
 Max Schlofe? Vilicht hemmer en guete Traum wo üs witer hilft.

Gina Ja do dra glaub ich ganz fescht. Aber wenn die Graubisser wieder chömed?
Max Schlof du emol. Ich pass uf. Nach e paar Stund weck ich dich und denn chann ich schlofe und du tuesch wache.
Gina Ok! Das isch e gueti Idee.

Gina legt sich hin und Max geht umher um nicht einzuschlafen. Aber er ist zu müde. Er setzt sich neben Gina und schläft dann neben ihr ein. Max und Gina schlafen fest. Die Angstbeisser kommen wieder. Mit einem Fotoapparat machen sie ein Bild von Max, sie selbst posieren sich so, dass es aussieht wie Max geschlagen wird. Dann verstecken sie sich. Max wacht auf streckt sich. Er muss mal.

Max Ou, ich sött go bisle. Ich gang schnell hinder de Baum

Er schaut auf die schlafende Gina und geht hinter den nächsten Baum. Die Graubeisser kommen und wecken Gina. Sie zeigen ihr das Foto von Max. Gina sieht auf dem Foto, wie Max von den Graubeisssern geschlagen wird.

Gina Max! Max, wo bisch du? Maaaaaaaax!

Die Graubeisser umringen die verängstigte Gina und führen sie ab.

Max ich chumme jo scho, was machsch du denn für es Gschrei. Ich ha nur emol müesse go..... Gina, Gina?

Max sieht Gina nirgends. Er sucht sie überall und findet das Foto das sie in der Eile verges-sen haben. Er ist erschrocken.

Max Die Saubandi! Die hend wüerkli viel Tricks, um eim Angscht z'mache!
Aber warted nume. Gina isch schlau und starch. Ich vertraue ihre. Foto!
Bring mich zu de Gina und em Troll Munu!

Es raucht und nebelt. Max und das Foto verschwinden.

5. Szene: In Gefangenschaft

Ort:	Im Tal der Qual
Personen:	Gina, König Phantos, Bösewicht Mantu, Graubeisser, Max

Gina, König Phantos und die Gefangenen schleppen schwere Steine. Max versteckt sich und schaut der Szene zu.

Graubeisser 1 Los, los, schneller! De Mantu will die Mur um sis Rich schnell bouet ha.
Los! Schneller, schneller!

König Mantu kommt mit zwei Wächtern.

Wächter 1 Achtung, de König Mantu chunnt!

Wächter 2 Gefangene: weiter arbeiten! Graubeisser: strammstehen!

Mantu Wunderbar!!!

Ich lieb's, wenn für mich hert gschaffed wird. Triebed sie a, die Muur muess schnell fertig sie. Erscht denn isch mini Macht vollkomme.

Gina schleppt einen Stein vorbei, schwitzend, keuchend. Kurz treffen sich die Blicke von Gina und Max, der immer noch in seinem Versteck ist. Gina bleibt kurz stehen.

Max (flüstert) Gang witer und blyb nid stoh!
Mantu Halt! – Wer hemmer denn do? Es Menschli. Es Meitli dezue. Und wie schön sie isch. Graubeisser! Sorged dafür, dass sie hüt no i myn Palascht brocht wird. Gänd ere aber nur so viel z'Asse und z'Trinke, dass sie nid stirbt. Ich will sie liide gseh! Das wird en Gnuss für mich!

Mantu geht. Gina bricht zusammen. Die Graubeisser packen sie und tragen sie fort. Max bleibt alleine zurück.

Max Gina...

6. Szene: Wiedersehen mit Munu

Ort:	Im Tal der Qual
Personen:	Max, Munu, zwei Graubeisser

Max Gina, oh Gina! Wie chann ich dir bloss hälfe? Jetz hani richtig Angscht um dich.

Ein Graubeisser nach dem andern kommen plötzlich auf die Bühne.

Graubeisser 1 Stinkts do nid nach Hoseschisser?
Graubeisser 2 Wer hed denn so en Gagg i de Hose?
Graubeisser 3 Do stirbt jo eine Fascht vor Angscht!
Graubeisser 4 Gsesch du de Schisshas?
Graubeisser 5 Nei, ich cha niemer gseh!!
Max (zu sich) Hued ab!! Vereised!!!!
Graubeisser 1 Das wird no die Schiessangschd vom Meitli sie, die hed jo schier i d'Hose gmacht vor Angscht.
Graubeisser 5 Ja, die hed gar kei fröhliche Idruck gmacht.
Graubeisser 3 Das stimmt und de Angschtschweiss blibt mängisch no lang i de Luft.
Graubeisser 4 Chömmmed, mir müend go!
Graubeisser 1 Ich möchte nur wüsse, was de König Mantu mit dem Meitli vorhed.

Die Graubeisser gehen.

Max Munu, hilf doch! Ach, ich wott nid dass du gfange bisch, chumm do ane und hilf mer...

Munu schleicht auf die Bühne.

Max Munu?!?!
Munu Max!!!!
Munu Mir müend Gina sofort befreie.

7. Szene: Die Kraft der Vorstellung

Ort:	Im Tal der Qual
Personen:	Max, Munu, 7 Graubeisser

Max Munu, ich muess zerscht no öppis usprobiere.

Max Nei!
Munu Worum nid?
Max Will ich es so will, Munu.
Munu Was????

Lässt ihn erst jetzt los.

Max I dere Wält passiert genau das won **ich** mir vorstelle. Ich has am Afang au nid glaubt, aber äs isch ä so. Ich has vorig mit dir grad usprobiert, won ich dich nomol fange loh han und dänn han ich mir au dini Befreiig wieder fescht vorgstellt.

Munu Max, bisch du denn en Zauberer?

Max Nei, Munu, das scho nid, aber äs isch i dere Phanthasiewält andersch als di heime. Di heime troim ich mängisch vo Sache, aber die werded Lang nid immer wohr. Aber do i dere Wält passiert das won ich mir vorstelle wüekli.

Munu Max! Das isch jo unglaublich!

Max Aber jetzt müemer Gina und de König Phantos go befreie.

Beide ab.

PAUSE

*Jede Vervielfältigung
sowie Aufführung
untersagt.
Rechte bei
zappa-verlag.ch
info@zappa-verlag.ch*

8. Szene: Die Befreiung Phantos

Ort:	Im Palast von König Phantos. Auf dem Thron sitzt Bösewicht Mantu. Zu seinen Füßen liegt gefesselt Gina.
Personen:	Max, Gina, Mantu, Munu, Graubeisser, Wächter

Max und Munu schleichen sich in den Palast. Mantu prahlt.

Mantu Losed alli guet zue, mini liebe Graubisser. Mini zwe Wächter hend d'Ehr euch öppis z'verhünde.
Wächter 1 Ich dörf oi vo oisem grosse Herrscher Mantu mitteile, dass er hüt z'Obig es grosses Fäscht mache will, won ihr alli iglade sind.
Wächter 2 A dem Fächt wird oise Gascht das Meitli Gina frisch brötlet und dänn gnüsslich grässe...

Max tritt aus seinem Versteck hervor

Max Mantu! Du veruckte Chaib. Hüt gits keis Fäscht. Gina und ich werded dich bestrofe und de König Phantos befreie.
Mantu Was bisch denn du für eine. Packed de klini Wurm und zertrampled en.
Max Ich bin kein Wurm. Ich bi de Max und ich bi do will ich d'Gina und de König Phantos befreie und dich stürze wirde.
Mantu So, mich willsch du stürze? Hahahahahahaaaaaaa!! Wie willsch du das denn mache? Hahahahahahaaaaaaa!!
Max WILL ICH DAS WILL, MANTU!!!!!!
Mantu Soso, will du das wilsch. Hahahahahahaaaaaaa!!
Max JA! ICH WILL DAS!!!

Alle Graubeisser und auch Mantu werden bei jedem Wort von Max immer etwas schwächer und ducken sich vor ihm. Sehr geschwächt fasst sich Mantu wieder.

Mantu Ich weiss das, Max. **Du** chasch bestimme will mir alli us dinere Fantasie entstande sind. Au mich hesch du usdänkt und de Gina hesch du au Macht gä. Die Macht muesch du aber guet bruche, will Gina jetzt grad Angscht, dass si brötled wird. Hahahahahaaaaaaa
Also worum ässed mir hüt Obig nid mitenand Znacht? Du blibsch i diner Fantasiwelt und teilsch si mit mir. Zäme boued mir sie üs. Mir sind die gröschte, Max!
Max Mantu, es isch verby.. Ich will, dass du stirbsch
Max WAS ICH WILL, WIRD PASSIERE. GINA ISCH WIE EN SUPERSCHWÖSCHTER FÜR MICH. Du hesch kei Chance Mantu. Stirb, Mantu!!
Munu Max, das got nid. Er wird immer wieder auferstoh.
Max Mantu, ich... ich lo di lo läbe, aber Du söllsch mir immer folge und dini Macht god genau so wit, wie'n ich's will.

Mantu steht auf und geht. Gina, welche über die ganze Zeit zu Mantus Füßen lag, steht auf.

Gina Max! Du hesch mich und de Munu grettet.
Gina Munu! Min liäbi, zottelig Munu!

König Phantos kommt auf die Bühne

Gina Oh! Au du bisch frei König Phantos! Super!
Phantos Max und Gina, ihr hend mich befreit.

Ein grosses Gejubil. Gina und Max freuen sich auch und alle tanzen und jubeln.

9. Szene: Heimweh

Ort:	Im Palast
Personen	Gina und Max

Gina und Max sitzen traurig auf der Bühne. Die Spuren des Festes sind noch deutlich erkennbar.

Gina Max
Max Hmm?
Gina Max, a was dänksch du?
Max A de Heime!
Gina Ich au. Ich ha ganz schrecklichs Heiweh.
Max Ja, ich au. Es isch jo alles so schön do, aber ich....
Gina Ob mir do je wieder use chömmet?
Max Froged mer de Munu?
Gina Jo!
Max Aber wo isch er?
Gina Vilicht det, hinter de Tür?
Max Luege emoll!

Gina steht auf, geht von der Bühne und öffnet die erste Tür zum Gang und findet Munu.

Gina Do isch er würkli, grad hinter de Tür. Isch das nid erstunlich?
Max Nei, isch es nid. Du hesch es jo so dänkt.
Gina Ja scho, aber....

10. Szene: Eine Lösung zeichnet sich ab. Freiheit

Ort:	Im Palast
Personen:	Munu, Gina, Max

Gina Munu, guet bisch du do. Ich muess dich öppis wichtigs froge. Was passiert wenn de Max und ich in die anderi Wält zruigg gönd?
Munu Wenn ihr eifach zruigg gönd, denn gits üs nümme, will mir läbed nur i eurer Phanthasie
Gina Was?
Munu Ja, dänn gits üs würkli nümme!
Gina Aber mir chönd üs doch do häre zruigg dänke und dänn...
Munu Nei Gina, dänn isch es en anderi Wält, so wien ihr sie oich dänn boue wärdet.
Gina Also dänn stirbsch du, Munu wenn mir gönd?
Munu Ja. Eigentlich scho.
Gina Munu, aber ich will nid, dass du stirbsch.
Munu Denn blibed do.
Gina Das got doch au nid!
Munu Ich weiss.

Gina Ebel.....
 Gina Max, ich has!
 Max Was?
 Gina Alles was mir dänked, passiert. Oder?
 Max Ja! Und?
 Gina Mir dörfed jetz kei Zyt verlüre. Los guet zue! Mir könnted....
 Maxüs doch eifach ganz fescht danke....
 Ginadass sie au ohni üs...
 Max ...chönded witerläbe
 Munu Wie das?
 Gina Das ihr vo jetz a....
 Maxohni üseri Gedanke und Idee chönd witerläbe.
 Munu Dänn wäred mir frey und würded das tue, was mir dänked und fühled.
 Max Es isch wie... wie oi d'Freyheit schänke. Mir entlönd oi i d'Freyheit und dänn brucht's üs gar nümme.

Phantos Ich will oi Als Dank öppis schänke. So chönd mir immer by oich sie und ihr wäred ois nie vergässe!! I oire Troim werded mir ewig witerläbe.
 Munu Das isch jo genial!!!!!!!!!!!!!!

11. Szene: Das Geschenk Munus

Ort:	Vor dem Palast
Personen:	Gina, Max, Munu, Phantos, Mantu, Mantus Wächter, alle Freudebeisser

Max Jetz bruched mer nur no d'Fantasiewältrakete, dass mer wieder i üsi Wält zrugg chönd
 Gina Max doch nid eso, hesch wieder alles vergässe, wies i dere Wält funktioniert.
 FANTASIEWÄLTRAKETE CHUMM JETZT SOFORT DO ANE!!!!

Der Fantasiewältrakete wird auf die Bühne gestossen.

Munu Halt, ich möchte oi noh äs Gschänkli gä. Ihr dörfed's aber ersch diheime ufmache.

Munu überreicht den beiden ein Geschenk

Panthos vili schöni Troim vo ois.

Munu umarmt noch einmal beide Kinder. Sie steigen in die Maschine. Es raucht und dröhnt, die Kinder werden wieder in ihre Welt katapultiert.

3. Akt

1. Szene: Max und Gina zu Hause

Ort:	Bei Max oder im Wald
Personen:	Max und Gina

Max und Gina sind wieder zu Hause. Max holt das Geschenk, neugierig machen die beiden Kinder es auf.

Max Heb emol!
Max ... Gina
Gina Was isch denn das?
Max Lueg.
Gina Es Stück Fäll.
Max Ja, vom Munu.
Gina Aber, de Munu hed doch gseit, dass mer mit dem Gschänk echly by ihne chönd sy!
Max Scho. Vilicht hed er gmeint i der Erinnerung, und das Fäll isch wie'n es Souvenir.
Gina Das glaub i nid.

Die Kinder untersuchen das Fellstück. Sie finden nichts heraus.

Gina Eifach äs Stückli Fäll. Er isch so lieb, de Munu.

Gina drückt das Fell an sich

Gina Max. Es isch doch kei normals Fäll. Es isch ganz bsunderig.
Max Worum meinsch?
Gina Da drück's fescht a dys Härz.

Gina gibt Max das Fell, der es ans Herz drückt.

Max Es... es isch wunderbar. Es macht glücklich. Ich bin so glücklich und froi mich mit dir, Gina!!!

Abwechslungsweise drücken die beiden Kinder das Fell an sich und tanzen dazu vor Freude und Glückseligkeit.

2. Szene: Neue Mobbingversuche.

Ort:	am selben Ort, zur selben Zeit
Personen:	Alle Kinder, Max, Gina

Jori Do sind's!
Geri Ebe, han is doch gwüsst, dass sie do sind.
Mara He ihr zwoi, üebed ihr scho de Hochzytstanz?
Gina Hallo zäme! Nä, nei, mir sind... mir sind nur eifach so glücklich.
Dodo Glücklich, wieso dänn das?
Max Einfach so ...

Ginaund wil's so schön isch, wenn mä en Mänsch hed uf de Wält, wo mä fescht gärn hed.
 Max Chumm, mir spieled zäme.
 Roli Spiele mit dir?
 Dodo Vergiss es.
 Mara Worum eigentli nid?
 Geri Jetzt plötzli... !
 Jori Villicht spöter. Chömmed es isch scho sächsi, mir müend hei go!

Max und Gina bleiben zurück

Gina Hesch au öppis gmerkt?
 Max Ja, komisch. Die sind eifach gange ohni üs z'drohe oder z'schlo.
 Gina Usglacht hends üs au nid lang.
 Max Ich ha sogar gfrogt, öb mer öppis sölled zäme spiele. Wie bin ich bloss uf die Idee cho? Und wenn's nid hettet müesse hei go hettet's sicher gspielt mit ois. Komisch plötzli sinds so andersch.
 Gina Du hesch s'Fäll bi dir gha.
 Max Meinsch wägem Fäll?
 Gina Max, ich möcht hüt uf kei Fall ällei schlofe.
 Max Ich au nid Gina. Ich möchte d'Troim vom Rich Phantos mit dir zäme ha.
 Gina Ja genau! Ich gang mini Muetter go froge, öb ich by dir schlofe chan.
 Max Ok.

Beide gehen in verschiedenen Richtungen ab.

3. Szene: Die Träume

Ort:	In einem grossen Bett
Personen:	Gina und Max

Max und Gina steigen ins Bett. Im Schwarzlicht tanzen alle Figuren aus dem Reich Phantos in den Troimen der Kinder. Unterstützt wird dies mit magischer Musik.

4. Szene: Geschichten von Max und Gina

Ort:	Im Freien
Personen:	Die Kinder, Max und Gina

Jori Los chömed. De Max und d'Gina verzelled wieder en Gschicht womer denn chönd spiele!
 Geri Super!
 Mara *(kommt angerannt)* Ich will au zuelose. Wartet uf mich!
 Dodo Sie hend gar nonig agfange.
 Roli Wie heisst d'Gschicht?
 Max D'Geschicht heisst: „S'Trollefäll“

E N D E

**Jede Leseprobe
sowie Vervielfältigung
untersagt.
Rechte bei
zappa-verlag.ch
info@zappa-verlag.ch**

Personen

Max und Gina = Wie heutige Kinder gekleidet sind

Übergrosse T-shirt, Dächlikappen, übergrosse Hosen...

Die Kinder: Jori, Dodo, Geri, Mara, Roli = Wie heutige Kinder gekleidet sind

Übergrosse T-shirt, Dächlikappen, übergrosse Hosen...

Munu = übergrosse weisse Maske mit grünem „Nasenbögg“ (ev Slimy)

7 Graubeisser = buntfarbige Kopfbedeckung und eine grosse Schere (aus Karton oder Holz) mit Zähnen daran

drei Vögel oder = Wächter = schwarz mit Vogelkappe und Crêpepapierstreifenflügel

Phantos = grosses Gesicht (goldig)

Mantu = eckiges grosses Gesicht (rot) (arbeiten = bauen mit roten Schachteln eine Mauer)